


**DIJOONDI
DIN
NYÁNNÍ YILPUEE**



DIJOONDI DIN NYÁNNÍ YILPUEE

“DIJOONDI DIN NYÁNNÍ YILPUEE”: Ti lēē Unimbōti takaldau poon ajan aba nì an bōyiliŋi kí tī-ni. M nyí m-pōbilin yii Unimbōti takaldau u-ba dí dàá bōbití-ni tibōti gbanti mmōntiimin.

Unimbōti bōti nyánní “yilpu ní” ní ki cāabìñ dijoondi tiŋman pu yal ki tī bin ní deede kù m nì deede nyinnyooŋu cááyee. Unil yaa kpántì u-ba ki fá ikpiti, ní ki yíiñ ti-Dindaan Yeesu Kriisitoo dāañ kí kó u-pōbilin ní ki lafun fōō ki kíí tiŋman pu yii u sá u-fiiliuee, ní ú tī-u u-pōpindi nì u-gbansōŋfiŋu. U nín ŋá min ki tī man doooo abin 1937 ki dāa sāā dínee dee, ki yōòn ŋyunti gbantee tiba kaa yākatì man nì m-Dindaan kansikin kpáb. M mēé-si yii a yaa kaa láa fōō-U ki kííyee, á sànti a-ba taapu kí fōō-U kí kíí KŌŊ KONNEE Ú nin sá a-Dindaan kí nin sá a-fiiliu.

Ama Unimbŏti dākà-ti u nín néesn-ti min bulfee di sá yii, nyunti nun ti dáá sá binikpitibee, Kriisitoo kpŭ ti-pu. –Room 5.8

Kutaa n wúntí jijaal un Juuda yab jìè ki téetí Unimbŏti nín nìn nyánti bi-naanjab Eejipitee Yeesu nìn nyí yii nyunti nun u dàá yíkì kitiŋ nee pu kí gítí u-Baa ceeyee bāān. U nìn néesn u-yab bin bí duulnyan dooyee, ki gítí néesn-bi ki lákatì ali ki tin kátì-ku.

–Jaan 13.1

Dineenŋkpaandi diba kaa ti bí kí bà unil n dū u-manŋfal kí kúntí u-bŏŏbi pu.

–Jaan 15.13

... Unimbŏti un bí, ki nìn péē bí doooyee ki dàá dāá dāānee n nā-ni tiŋan kí tīi-ni nŋbansŏŋfi nì nŋfām miluli min bí u-beejal nimiinee, nì Yeesu Kriisitoo un sòòn ibaamŏn, ki sá Ujipŏŋkpil, ki sá upeepeekaa un Unimbŏti fikitì ditanŋkpiilinee, ki sá duulnya bŏtiibi kpiliuee pu....

–Dileedakal 1.4, 5

Kun puee Unimbŏti néesn kitiŋ pu nib kŏkŏ tikpil, mìn pu ní u dū u-Jipŏmbaabil ki tīi, an nín dàá nā pu un sá kamaa yaa fōō-u ki kíiyee n taa kpú, ama ú ká mmanŋfafŏkŏn nun kaa cáá dikuntilee.

–Jaan 3.16

2 TINIMBŌTIIL TIN YEESU KRIISITOO CÁÁYEE

Tiŋman, dinimbŏtinool bŏti tin nìn bí dibalin Unimbŏti nyántì ki dākā-tee sá tiwaŋkpaandi ní! Yeesu kpántì unil ní ki dómíń ti-cee, Unimbŏti Fām dākā yii u sá deedeedaan, Unimbŏti tūuni ká-u. Bi sòõn u-pu atimbun kəkən, kitiŋ pu nib fōō-u ki kíí ní Unimbŏti yōõn-u ki jóm̄ yilpu tinyool laŋki. —Tiimootee 1 3.16

Tin bí nee kəkə bāań ki ŋá kii ti-Dindaan nín yāntì u bōnaatiliu sòõn miŋyee ní yii: “Usapõõn un kaa nyí uninjee dàá cáá dipool kí màal kibininjabiki, bi dàá pō-kì diyindi yii Eemanuyeel.” (Eemanuyeel taapu di sá yii: Unimbŏti bí ti-cee). —Maatiu 1.22, 23

“Man nì m-Baa Unimbŏti ti sá ubaanti ní.” —Jaan 10.30

Ní Yeesu kíí-u yíí: “Fiiliipi, m nín bí ni-cee an yúntì pu nee, ní saa nyí-maaan? Un yaa ká-mee, ká m-Baa mun dee. Kin ba pu ní sii gítì lì yii m̄ dākà-ni m-Baa? Aa nyí yii man bí m-Baa ni, ní m-Baa mun bí man naaan? Tibŏti tin m sòõn nì nee, maa sòõn-tì m-ba pu, an sá m-Baa un bí m-nee di tūn u-tundi.” —Jaan 14.9, 10

Sii un di yaa lì nì ibaamōn yii Yeesu sá Unimbōti Jipōōnee, Unimbōti bí a-ni ní si mun bí Unimbōtin. —Jaan 1 4.15

Ní ntūunee kíí-u yii: “Unimbōti Fām di dàá kpákatiń a-pu, ní yilpu fōŋŋŋ Nimbōtiu pōŋŋu ń bìiń a-pu kii mboonee. An pu ní circir biki kin a dàá màalee bi dāa yū-kì Unimbōti Jipōōn.” —Luuki 1.35

Ní bi nìn bīi kūuntí yii: “Unimbōti Jipōōn, a nyàab-ti nì tilati poon ní? Ibōsoon yuntiŋu kaa láá bāań ní a dómín doo kí sàań-taaa?” —Maatiu 8.29

U bīi sòòń mimmee, ní ditagbandi diba dómín ki bìiń bi-pu ki jìl pàlpal, ní bi gbìl Unimbōti sòòńí ditagbandee ni yii: “Un bí nee di sá man Jipōōn un m nēeń tiŋanee, u-pu ní m-pōbil sòm. Ní pìlfìmaan-u.” —Maatiu 17.5

...U dāa ká-uee ní ki bí-u yii: “A fōō Kinibiki ki kíiii?” Ní u kíí-u yii: “Ukpil, ún di sá ŋma ní, m fōō-u kí kíí ní?” Ní Yeesu bí yii: [Unimbōti Jipōōn gbantee] “A wāl-uaa! Ún di bīi sòòń nì si nee.” Ní u bí yii: “M-Dindaan, m fōō-si ki kíí,” ní ki lítì Yeesu nimiin ki jáam-u. —Jaan 9.35-38

4 YEESU TÙKÙ-TI UN NÍ U SÉE

Ní Yeesu kíí-bi yii: “Nimbi sá taapu doo yab ní, man nyánní yilpu ní. Ni sá duulnya yab ní, man kaa sá duulnya you.” Ní Yeesu kíí-bi yii: “Ibaamɔn, ibaamɔn, man péē bí ní bi nín màl Abraam!” —Jaan 8.23 nì 58

Ní Yeesu bí-bi yii: “Man di sá tijin tin tìi dimaɲfalee. Un yaa dómiń m-ceeyee, ŋkùm kaa ti cútí udaan jaanjaan; mìn ní un yaa tí fōō-mi ki kííyee, nnyinnyoo kaa ti cútí udaan jaanjaan. —Jaan 6.35

M nín dáá bí duulnyan doo nee, man di sá ŋwalfi ki tīi duulnya.” —Jaan 9.5

Mìn puee ní Yeesu gítí lī yii: “Ibaamɔn, ibaamɔn ní m sòòn nì ni, man di sá kupikpuńkpuńu punyɔkɔki. —Jaan 10.7

Ní Yeesu kíí-u yii: “Man di fìkiti, man di sá dimaɲfal. Sii un fōō-m ki kííyee, báà a yaa kpù gba a dàá nín cáá dimaɲfal.” —Jaan 11.25

Ní Yeesu kíí-u yii: “Man di sá nsan, ki sá ibaamɔn ki sá dimaɲfal. Ubo kaa ŋùn kí di laaaba kí dāān m-Baa Unimbɔti cee, see ú dīn man pu.” —Jaan 14.6

YEESU NÍN NÌN ÌÁ MAAMAACIB 5 BIŊYEE BIBA

Niinee, ní u bí yii samaa kəkə́ n̄ kàl̄ kumə̀sə̀ŋu pu, ní u fṑ kponə̀b biŋmoo n̄ ijəm ilee ní ki wáà̀n kutaa, ki jáàm Unimbə̀ti, ní ki gífì gífì kponə̀bee ki dūu tīi u-boonnooliibi, ní bìn̄ dūu yākatì binib kəkə̀. Ní bi-kəkə̀ jín̄ ki díkí, an kí̀n̄, ní bi kóò̀n akponə̀kati n̄ ajə̀ŋgin ŋin kínee ki gbéè̀n tikabiti saalaa n̄ tili. Bininjab bin n̄n̄ jín̄ tijin gbantee n̄n̄ bà̀n̄ kii binib kutukub biŋmoo, baa kàà̀n̄ binimpoobi n̄ mbiyaamu. —Maatiu 14.19-21

Ní Siimə̀n bí yii: “Ukpil, ti dū kunyamə̀ŋu ní ki tó tilaandi, kaa cúú báà̀ tiba, ama, a-nyə̀ə̀bundi puee, m dàá tō kulaə̀ŋu.” Ní bi dūu tó, ní ki cúú ijəm tikpil, ali bi-laanti bíi tìfi. —Luuki 5.5, 6

Ní bijə̀fub bili n̄n̄ kā n̄san caŋin, bi gbìl̄ Yeesu bíi jítí bi-cee niinee, ní bi bíi tátí yii: “Ukpil, Dadfiidi naantiiu, sō ti-saai!” Niinee ní Yeesu... bālfì-bi yii: “Ba ní ni là m̄ ñá kí tīi-ni ní?” Ní bi kíi-u yii: “Ukpil, ñúbití ti-nimiliŋ.” Ní Yeesu sún̄ bi-saai ní ki gbēē bi-nimiliŋ, kpalaa niinee ní bi wál̄, ki kí̀n̄ ki nóó-u. —Maatiu 20.30 n̄ 32-34

6 YEESU KRIISITOO SÁ UNAAANLI NÍ KI SÁ TI-DINDAAN

... Unimbɔti un dī Yeesu Kriisitoo pu ki náán tikɔkɔee. –Efeesi 3.9

Di sá yii tiwan tin kɔkɔ bí yilpuee, nì tin bí taapuee, tin bi wālee nì tin baa wālee, an yaa sá itūun in jīn abeeyee nì in sá bikpilibeeyeeeee an yaa tí sá in cáá mpɔneeyeeeee, Unimbɔti nìn dī u-Jipɔonee pu ní ki náán tìn kɔkɔ, u-Jipɔonee di náán tikɔkɔ ki yì an kɔkɔ mun. –Kooloosi 1:16

Dín ní Unimbɔti dū ki náán tikɔkɔ. Tiba kaa bí fam Unimbɔti kaa dū Dinyɔɔbundee ki náán kudɔŋu. –Jaan 1.3

... Unimbɔti nìn dī u-bɔnaatiliibi pu nì nsambiyaamu tikpil pu ki sòon nì ti-naanjab ŋfunyɔm tikpil.... Iyunti in sá ijoolkaa nee poonee, u dī u-Jipɔon pu ní ki sòon nì ti. Unimbɔti dī u-Jipɔon gbanti pu ní ki náán duulnya nì tin kɔkɔ bí duulnyanee. Ún ní Unimbɔti lēē ní ki dū tikɔkɔ ki ŋá u-ŋaan.

–Eebru 1.1, 2

“Israyeel maaliŋu kɔkɔ, béémaan nì ibaamon poon yii, Yeesu un ni kpáá ndɔpuntikaa puee, Unimbɔti dū-u ki ŋá ti-Dindaan ki lēē yii ú nìn sá Kriisitoo.”

–Atuun 2.36

YEESU KRIISITOO DI SÁ 7 BINIB KOKO BOSOONLIU

Kin ba pu ní sii sònè ki bííl a-nabiki?
Ní si mun, ba pu ní a kpèé a-nabiki fam?
Ti-kòkò dàá dāá cù Unimbòti nimiin
ibosoon. –Room 14.10

Unimbòti nì Yeesu Kriisitoo un dàá
sònè bin wālee nì bitaṅkpiibi botee, nì
u-dāantam nì u-beel puee, á sònè
Unimbòti bòti.... –Tiimootee 2 4.1, 2

“Man Kinibiki yaa láā dómiń kii ubotee nì
Unimbòti tūuni kòkòee, m dàá dāá kàl
m-beejaal pu nì tinyool, ní duulnya
timbuliṅ kòkò dāa kpáfí m-nimiin ní m
gànti-bi kii uwaṅkpaal nín gánti ipii nì
iṅoobu puee.” –Maatiu 25.31, 32

Ḷjwiin ṅun Unimbòti dàá yànti Yeesu
Kriisitoo n̄ biiti nnibiyaamu tuuṅṅi ṅin bí
dibalinee pu kí sònèee, tin tin báà ṅma
dàá dāá kée dee, kii tibòmòntiil tin man
Pòol sònèee nín lì puee. –Room 2.16

Ní u bí-ti yii tí n̄n sònè u-pu samaa cee,
kí dàkà-bi yii ún̄ Yeesu baba ní Unimbòti
lēē u-bosoonliu, ú sònè bin wālee nì bin
kp̄iye bòti. –Atuun 10.42

8 YEESSU KRIISITOO BABA DI ŊŪN KÍ DĀ UNIL KÍ FĪ-U KÍ LĪÍ

Ní Yeesu kí-u yii: “Man di sá nsan, ki sá ibaamɔn, ki sá dimaɲfal. Ubo kaa ŋūn kí dī laaaba kí dāañ m-Baa Unimbɔti cee, see ú dīn man pu.”

–Jaan 14.6

“An pu ní m tükū-ni yii ni dàá kpú ni-kpitii poon. Ni yaa kaa fōō ki kí yii ‘man di sá un m sée’ ni dàá kpú ni-kpitii poon.”

–Jaan 8.24

An pu ní u sá uniɲman umɔnti un pu baa kántí tikpitil tibee, ki kpánti un tì difiil din kaa cáá dikuntilee bin kɔkɔ tó-uee.

–Eebru 5.9

Kun puee báà ŋma ŋá ikpiti ki dátin Unimbɔti nyooti. Unimbɔti ŋáañ-ti tiɲan ki yànti ti kpántí deedee nib u-nimiin faalaa, Yeesu Kriisitoo nín dū u-ba ki fī-ti ki līyee pu.

–Room 3.23, 24

Baa ŋūn kí dī ubo pu kí ká difiil see Yeesu baba pu, kun puee taapu doo Unimbɔti kaa ti tī ufiil ubo un pu timbi binib máañ kí dī kí ká difiilee, see Yeesu pu.”

–Atuun 4.12

YEESU KRIISTOO BABA DI 9 ŊŪN KÍ DĀ UNIL KÍ FĪ-U KÍ LĪ

Di sá yii ún Unimbɔti di yāntì ní ni nì Yeesu Kriisitoo ŋá ubaanti. U yāntì Yeesu kpántì timbi ciŋŋu. Kriisitoo pu ní ti kpántì deedeedambi Unimbɔti nimiin ki bí circir, u fōō-ti ki lī. —Koranti 1 1.30

Ún di dū u-ba ki tī ki dá-ti ki nyántì ikpiti kəkə poon, ní ki dū-ti ki kpántì dinikitil din sá ún baba yal, ki bí circir, ki cáá difaŋgiil, ki ŋáán atummɔntee.

—Tiiti 2.14

Ní nin jáám ti-Baa Unimbɔti dipɔɔpindi poon u nín yāntì ní dāá ŋmā kí ká tin u síin kí tī u-yab u-dumpu, ŋwalfi laŋkee. Di sá yii u nyántì-ti dibɔmbɔndi pɔŋŋun ki cáán-ti u-Jipɔnneenkaau beel poon. U-Jipɔnee di yāntì Unimbɔti fī-ti ki lī, ki dū ti-kpitii ki pú-ti. —Kooloosi 1.12-14

“Di sá yii man Kinibiki dómiń kí nyàab kí fī bin nìn wáŋkèe ní.” —Luuki 19.10

Ní bi bí ki gà nlampɔn ki nyónkí-u yii: “A máàn kí fōō takaldee kí búti tiwampiŋkaal tin bi dūu bóóbee. Kun puee bi kūū-si ní a-fatikuu dá anibul kəkə nì isoon kəkə nib, nì atimbun kəkə nib nì ntimu kəkə nib ki tī Unimbɔti. —Dileedakal 5.9

10 YEESU KRIISITOO FATIKUU DI FÍNTÍ TI-KPITII

Kun puee, Yeesu Kriisitoo kúm pu ní u fii-ti ki líi, ní ki dū ti-kpitii ki pú-ti; u ḡá mìn kí dākà-ti u-neendi nín wiikí min bulfee.
–Efeesi 1.7

An di sá m-fatikuu un nyán ki cáán mpèé Unimbōti nì binib tikpil kansikin bí ká bi-kpitii pōtamee.
–Maatiu 26.28

Nimbi ni-ba nyí Unimbōti nín dī min ki nyántì-ni ni-naanjab sani in ni nìn nóó fam tiba kpá poonee. An kaa sá tiwan tin bíil kii animilee àá kii sindariyee ní u dū ki nyántì-ni. Ama an sá nì Kriisitoo fatikuu un jítiñ tikokò nì tikokòee ní u dū ki nyántì-ni. Kriisitoo di sá kii dipibimontiil din pu baa kántí tikpitil tiba nì tibee.
–Pieyeer 1 1.18, 19

Ama ti yaa dī ḡwalfi sanḡu kii Unimbōti u-ba nín sá ḡwalfi puee, niinee ní ti nì ti-nabiyaamu ḡáán ubaanti, ní u-Jipōon Yeesu fatikuu fíntí ti-pōbiliḡ circir ki lèekí ti-kpitii kòkò.
–Jaan 1 1.7

...Ti-Dindaan Yeesu Kriisitoo yāntì ti nì Unimbōti kansikin ḡánkèe, ní ti bí ki fàal Unimbōti pu.
–Room 5.11

TI NÍN FŌŌ KRIISITOO KI 11 KÍÍ PUEE NÍ U YĀNTÌ TI KÁ DIFIIL

Di sá yii Unimbɔti ŋanti pu nì ni nín fōō Kriisitoo ki kííyee pu ní ni ká difiil. Difiil gbantee, naa ŋá tiba ní ki ká-dì, u pú-ni-dì faalaa ní. An kaa tí sá ditundi pu, ní ubo ń nīn cáā gà u-bindi. —Efeesi 2.8, 9

Mimmee, ti ká yii ti nín fōō-u ki kííyee pu ní ti kpántì deededambi Unimbɔti nimiin, ní ti nì Unimbɔti kansikin ŋáŋkì ti-Dindaan Yeesu Kriisitoo pu. —Room 5.1

... “Fōō ti-Dindaan Yeesu kí kíí, a dàá ká difiil....” —Atuun 16.31

Kun puee un sá kamaa ní Unimbɔti fātii màl mpɔmee ŋūn kí já kí jīn duulnya. Kun pu ní a ŋūn kí já kí jī duulnyee di sá fookii un a cáá Yeesu puee. —Jaan 1 5.4

Niinee ní bi bālfì-u yii: “Ti máan kí ŋá mana ní án nīn sá min Unimbɔti lèe ní?” Ní Yeesu kíí-bi yii: “Unimbɔti nín là miŋyee di sá ní fōō man un u túnnée kí kíí.” —Jaan 6.28, 29

Bi yaa ŋmān tin bí neeyee, an sá ní fōō kí kíí yii Yeesu sá Unimbɔti Jipɔɔn ki sá Kriisitoo. Ni yaa fōō-u ki kíí mimmee, ní ká dimaŋfal u-yindi pu. —Jaan 20.31

Tí nyōṅkìmaan Unimbŏti ti-Dindaan Yeesu Kriisitoo Baa un di sūn ti-saai ki ṅmēentí-ti tikŏkŏ poonee. –Kŏranti 2 1.3

Di sá yii man Kinibiki dŏmiń kí fīi bin nìn wŏṅkèe ní. “Ni dākafī yii ba? Unil yaa cáá ipii dilaataal, ní ubŏ wāṅkì i-kansikinee waa yànti ubŏ kpá dilaataal in kínee ajoon pu kupikpaaun kí cùú nyàabiń ubŏ un wāṅkèeee? M tükù-ni yii, u yaa tin ká-uee, u-bŏti móókíń-u kí jītíń ubŏ kpá dilaataal in kaa wāṅkèe bŏti. Míń mbaantiim ní ni-Baa un bí yilpuee kaa là mbiyaamu nee kansikin báà kiba ń wāṅkì.”
–Maatiu 18.11-14

Míń puee, kámaan kunyannyaau kí sútíń kí pílmaan Unimbŏti beejal nì dimákal, niin ní u-ṅanti bí. Niin ní ti dàá ká disaasŏl nì tiṅan tin dàá tūtun-ti ṅyunti ṅun an máaṅee.
–Eebru 4.16

Unimbŏti fīi-ti, kaa sá yii ti ṅá atunnyaan aba, an sá isaa ní u sún ti-pu. Bi nín fùul-ti Unimbŏti nyim puee di dākà min u-Fām fātì ki màl-ti mpŏm ki tīi-ti dimaṅfapŏndi diṅyee.
–Tiiti 3.5

UNIMBŌTI YÎ-TI YII TÍ 13
DĀĀÑ U-CEE

Unimbŏti Fām nì Unimpucan bí yii:
“Dāāñ!” Bin mun gbìl an bŏtee n̄ l̄i yii:
“Dāāñ!” Un nnyinnyoo yaa cááyee n̄ dāāñ
kí fōō nnyim min t̄i dimañfalee faalaa.
–Dileedakal 22.17

Ŋwiin n̄un j̄iñaal kúntée bŏti di n̄in páb.
Ŋwiin gbanti ní Yeesu n̄in yúl samaa
kansikin ki téen̄ yii: “Un ní nnyinnyoo
yaa cááyee n̄ dāāñ m-cee kí nyò!” –Jaan 7.37

Yeesu ká mimmee, ní an kaa móok̄in̄-u,
ní u bí-bi yii: “Yàntimaan mbiyaamu n̄
dāāñ m-cee kí taa p̄iim̄maan-mu nsan, kun
puee Unimbŏti beel sá ki t̄i bin náan̄ n̄i
muee ní.”
–Maarki 10.14

“Nimbi bin tú awañgul ki ḡiyyee,
dāāmmaan man-cee m̄ túutí-ni ní n̄un̄fi.”
–Maatiu 11.28

Njimee yuntiñu bāānee, ní u tú u-t̄ont̄onliu
yii ú cùú t̄ukù bin u yíinee yii: ‘Dāāmmaan,
an k̄ok̄o b̄ont̄i.’
–Luuki 14.17

An puee Kriisitoo nyok̄opu ní ti dàá s̄oñee
ali kii Unimbŏti u-ba di d̄i timbi pu ki ȳi-
nee. Ti d̄u Kriisito ki gbāam̄-ni, ní k̄íí kí
yànti ni n̄i Unimbŏti n̄ kp̄iik̄i.
–Koranti 2 5.20

14 AN KAA SÁ BINIB KOKO DI SÁ UNIMBŌTI BIYAAMU

Kun gânti Unimbŏti biyaamu nì Sitaan yomuee di sá, sii un yaa kaa nóó deedeeyee nì sii un yaa kaa là a-nabikee kaa sá Unimbŏti yŏu. -Jaan 1 3.10

Di sá yii bin kəkəwoooo Unimbŏti Fām kpòotēe sá Unimbŏti biyaamu ní. Mimmee, naa ti máan kí nín gbíntii fàŋkí kii iyumbuee, kun puee ni fōō Unimbŏti Fām min yānti Unimbŏti fōō-ti ti yíi-u yii ti-Baayee. -Room 8.14, 15

An pu ní Unimbŏti lī u-nikitil yii: “Ní nyā binib nee kansikin kí gāntīmaan ni-ba, kí taa gbēē tin sá tijəkəndee, ní man n̄ nín fōō-ni, kí nín kíñ ki sá ni-Baa, ní ni mun n̄ nín kíñ ki sá man jipombi nì m-bisalib. Ti-Dindaan ipən kəkə daan di lī mín.” -Koranti 2 6.17, 18

Ama bin kəkə fōō-u ki gbīl ki tīn̄-uee, u yānti bidambi kpánti Unimbŏti biyaamu, mun ní unil kaa màlee kaa tí sá unil làtam ama an sá Unimbŏti di màl bìn.

-Jaan 1.12

UNIMBŌTI NÍN SÒÒN 15 NDAAM MIN PŌŌYEE BŌTI PUEE

An kaa pōō á béé mbimbikpitim nín tūn atuun ŋiŋyee: mìn di sá tilaakpaal, tijokondi, bimaramontiibi fátam, diwaatootil, dinyoɔjil, kinán, kujaau, kudòŋu: diŋuul, ikummunti, diyakatil, digàntil, nnimidiki, ndanyoon, mpoo nì tin kòkò náań nì tiboti neeyee. Kii m nín nìn tükū-ni puee, m tí bii kpáafí-ni yii bin ŋáań an bōti gbantee kaa dāa kóò Unimbōti beelin.

—Gaalati 5.19-21

Tí còommaan min kítèe kii bi nín còom ŋwiín pu puee, kí taa jì kí lákatí ti-ba pu, kí taa gbí ndaam, kí taa ŋá tilaakpaal, kí taa ŋá tijokondi, kí taa níń jáà, kí taa níń cáá tob pu kudòŋu. Ní dūmaan ti-Dindaan Yeesu Kriisitoo bimbim kí pèeń kii tijanjawanee, kí taa fàtíí tō ni-bimbikpitim kí ŋá mi nín là puee. —Room 13.13, 14

“Ní nín nyímmaan nì ni-ba kí taa yànti njinjim nì ndanyoon nì duulnya landòkòí n̄ jì mpaan ni-pòbiliŋ poon. An yaa sá fam, Unimbōti bōsooni wiinŋu gbanti dàá dāá túuń-ni.” —Luuki 21.34

16 Á NĪN CĀÁ IBAAMONEE BABA KAA ņMĀNTÌ

Ní Yeesu kíi-u yii: “‘Á nĭn nĕeń a-Dindaan a-nimbɔtiu nì a-pɔbil kɔkɔ, nì a-fām kɔkɔ, nì a-landɔkɔŋu kɔkɔ.’ Mara un sá ukpaan ki līyee dee.”
–Maatiu 22.37, 38

...“Ukpimonti! M dàá ñá mana ní kí ká dimańfal din kaa cáá dikuntilee?” Ní Yeesu fātii kíi-u yii: “Ba pu ní a yīi-mi yii umonti? Unil báà ubɔ kaa bí ki sá umonti, see Unimbɔti baba. Sii a-ba nyí Unimbɔti marab, an lī yii: ‘Á taa kpò unil, á taa ñá tilaakpaal, á taa yò, á taa lēē nnyimɔn seerau, á taa ņmàtiń ubɔ, á nĭn tó a-baa nì a-na.’” Ní uninjee fātii kíi-u yii: “Ukpil, doooo m-naacimpontin ní m péē ñúb an marab.” Niinee, Yeesu kpēē-u dímmm, ní uninjee bɔti fáati-u, ní u lī-u yii: “Kuwambaantiiu di kíń-si á ñá. Níń cá kí nyāfì tin kɔkɔ a cááyee, kí dū animil kí yàkati bifalaadambi, ní kí tin ká tigaajati Unimbɔti cee. A yaa ñá mĩn ki dóòyee, á dāāń kí nĭn nóó-mi.” Kijapaayee gbìl an nyɔɔbuɔŋee, u-nimiin cúū bíil, ní u búnti nì kunimbaau, kun puee u nĭn cáá tigaajawan tikpil.
–Maarki 10.17-22

Taa nín kíílmaan ni-ba: baa gbíilín Unimbòti. Di sá yii kun unil yaa búlee, kún ní u dāa cēē. —Gaalaaati 6.7

M-biyaamu, ní taa yànti ubó ń ñmàtì-
ní wāṅkì: un yaa ṅáań min bí deedeeyee
sá deedeedaan, kii ti-Dindaan u-ba nín bí
deedee puee, ama un yaa ṅáań ikpítee sá
Sitaan you, kun puee Sitaan péē sá
ikpitidaan ní, doooo ṅkilkaamin....
—Jaani 1 3.7, 8

Ní taa yànti báà ubó ń dū tibofan kí
ñmàtì-
ní. An tunkpitiṅ pu ní Unimbòti
dàá dāá fōō diquul bin kaa tó-uee pu.
—Efeesi 5.6

Nín ṅáańmaan dinyoobundee nín bí yii ní
ṅá miṅyee. Sii un yaa pílfí Unimbòti bòti,
kaa ṅáań tì nín lí puee, kííl a-ba ní.
—Jaaki 1.22

Ubó yaa dākafì yii u bí tiban ní kaa bée,
udaan kííl u-ba ní. —Gaalaaati 6.3

Kun puee binib tikpil dàá dāá dū man
yindi kí kpántí bi-yaṅ kí lì yii bín di sá
'Kriisitoo' ní ki dàá dāá kííl binib tikpil.
—Maatiu 24.5

18 IKPITI CÁÑ ÆKÚMIN NÍ

Unibaanti Adam pu ní ikpiti dī ki kónní duulnyan, ní ikpitee cáañ Ækúm, ní báà Æma kúù, kun puee báà Æma Æá ikpiti.

–Room 5.12

Nnimitaataam yaa kó-see, ní mí màal ikpiti, ní ikpiti yaa wíìnee ní í cáañ Ækúm.

–Jaaki 1.15

Mbimbikpitim nín là tiwan tinjee di cāabín Ækúm. Unimbōti Fām nín là kun kunjee di cāabín mmanƆafōkōn nì Ægbansōŋfi. Bin nóó bi-bimbikpitim nín là puee sá Unimbōti nannanliibi, kaa sìnṭìn bi-ba ki tì Unimbōti marab, kaa péē Æñ gba.

–Room 8.6, 7

Tipaal tin ikpiti pèe di sá Ækúm....

–Room 6:23

“Ama an yaa kìn bifaantidambee nì bin kaa yú nì Unimbōti deedeeyee, nì bijōkōndambee, nì binikpōliibee, nì bin Æáañ tilaakpaalee, nì bikpaŋkpantiibee nì biwaatootiliibee nì binyimōndambee kōkōee bìn laŋki di sá farwata Æmibookun, niin di sá Ækúnlilitiimee.”

–Dileedafdtkal 21.8

Ti yaa làá kpèè u-Fām min sá circiree jandi puee, Unimbōti nín fikitì-u ditankpiilinee, u dākā yii u sá u-Jipōon mpōndaan.
—Room 1.4

U li mín ki dóòyee, ní ki téen mpōn yii: “Laasaar, nyānní!” Ní utankpiil nyānní, u-taaji nì u-ŋalii fiñ iŋaabu, ní ŋubō mun bīi u-nimiin. Ní Yeesu bí yii: “Cúú fìntimaan-u kí yànti ú nìn cá!”

—Jaan 11.43, 44

“Kun pu m-Baa néeñ-mee di sá m tìi m-manfal ní kí fàtìi fōō-dì. Ubō kaa ŋūn kí tìl man manfal, see man m-ba di là ní kí dū-dì kí tii. M ŋūn kí dū-dì kí tii, ki ŋūn kí fàtìi fōō-dì mun. M-Baa nín bí m ŋá miŋyee dee.”

—Jaan 10.17, 18

Ní ki sùtìi ki dāatì u-ŋal ki gbēē nlún dōŋu, ní bin tú utankpiilee síl. Ní Yeesu bí yii: “Unaacimpōon, m pú-si kinyokō yii á yikì!” Ní utankpiilee fikitì ní ki yáatìi kāl ní ki bīi sòon....

—Luuki 7.14, 15

Man di sá un bí dimanfalinee; m nìn kpūi, ama kōŋkōnnee m kìn ki bí dimanfalín kí nìn cá jaanjaan; man di ŋúb ņkúm nì ditankpiil pōŋŋu.

—Dileedakal 1.18

“Ukpil, marab kəkɔ kansikinee, ulou di sá ukpaan ní?” Ní Yeesu kíí-u yii: “‘Á nín néén a-Dindaan a-Nimbŏtiu nì a-pɔbil kəkɔ, nì a-fām kəkɔ, nì a-landəkɔŋu kəkɔ.’ Mara un sá ukpaan ki līyee dee. Ní maraliliiti un páb kíí upeepeekaayee sèé: ‘Á nín néén a-juti kii sisi a-bee.’ Marab bili nee pu ní Mooisi marab nì Unimbŏti bŏnaatiliibi dàkatam kəkɔ tókó.”

–Maatiu 22.36-40

...“Mara un sá ukpaanee di sá un lì yii:... ‘Ti-Dindaan Unimbŏti sá ubaanti ní. Ni máan kí nín néén ni-Dindaan ni-Nimbŏtiu nì ni-pɔbiliŋ kəkɔ nì ni-fām kəkɔ nì ni-landəkɔŋu kəkɔ nì ni-pɔŋŋu mun kəkɔ.’ Maraliliiti di sá yii: ‘Á nín néén a-juti kii a nín néén a-ba puee.’ Mara ubɔ kaa ti bí ki jítiñ bin bí nee.”

–Maarki 12:29-31

M tīi-ni marapɔɔn ubɔ: níñ néémmaan tɔb. Kii man nín néén nimbi puee, ni mun níñ néémmaan tɔb mín. –Jaan 13.34

AA NŪN KÍ BÁL A-BA 21
UNIMBŌTI NÍ TAA KÁ-SI

Tiwannaan̄kaal tiba kaa bí Unimbōti kaa wāl-tì, tin kōkō péē bí duulnyanee dō mpaampiin pu ní ùn cee, u-nimiin ní ti dàá dāá sòòn ti-nyōkōpu yai. –Eebru 4.13

Tin kōkō bí dibalin binib kaa wālee dàá dāá biiti, ní tin kōkō bí dibalin binib kaa nyée dàá dāá nyā mpaampiin pu bí béé.

–Luuki 8.17

“Ùn di sá Unimbōti un náan̄ duulnya nì tin kōkōwoooo péē béé, ki sá yilpu nì taapu Dinaan. Waa kòò adiin ñin binib cáá bi-ñalii ki māāyee ni, kaa nyàab̄ binib tūtuntam báà an yaa péē sá tintee. An kaa sá ùn di tìi báà ñma dimañfal nì ñfām nì tikōkōō? Ùn di dī unibaanti pu ki nyánti anibul ki gbéen̄ kitiñ kōkō pu, ki síin̄ atimbun kōkō nì ñi-kōñkooni nyōkōm. U ñá mìn̄ ki là yii bin yaa táfí ki nyàab̄ ùn Unimbōtee yaa táá ñmā kí ká-u. Ama Unimbōti gbanti kaa dátin̄-ti, kun puee ‘Ùn pu ní ti fòotì ki pōō ní ki bí.’ Kii ni-lañgaaliibi biba nín̄ gāā puee, yii: ‘Ti mun péē sá u-biyaamu ní.’”

–Atuun 17.24-28

22 IKPITIDAMBI TAFADAALDI KAA CÁÁ DIKUNTIL

Man Kinibiki dàá dāá tōn m-tūuni ní í dāá lēē m-beelin bin kōkō sá nsugimu bi-jutiibi gbéetí ki lítée nì bin ɲáań ikpítee, ní kí dū-bi kí tō kipaai ɲmiɲun, ɲun nì bi dàá nìn kā ki sūn, bi-nyiiɲi gá tōb kākakee. —Maatiu 13.41, 42

Unimbōti di tí lí yii yilpu nì taapu un bí nee dō ki cí ɲmi ní dāá wò daliŋkin u dàá dāá sòòn binikpitib bōti kí kúntí-bee. —Piyeer 2 3.7

Bi-tafadaaldi di dāa sá bí nàań-bi kí nìn cá jaanjaan bí taa níń dàbiń ti-Dindaan nì u-nyooti nì u-pōɲu. —Teesaalooniiki 2 1.9

“An yaa sá a-ɲal kii a-taal di yaa làá yànti á ɲá ikpítee, gùutií fá kí wàati a-ba! Á kó mmaɲfafōkōn nì nì ditaagindi kii diɲaɲgindi só nì a-ɲalii liitil nì a-taani liitil ní nìn bí, bí cáá-si kí tō ɲmi ɲun kaa kúu jaanjaanee ni.” —Maatiu 18.8

“Ní bí dāá dū-bi kí tō ditafadaaldi din kaa cáá dikuntilee ni, ní bin yúl nì Unimbōti deedeeyee ní nìn cá dimaɲfal din kaa cáá dikuntilee ni.” —Maatiu 25.46

“Di sá yii u yóon̄ ηwiin̄ ηubō ηun̄ ní u dàá yàntí Yeesū n̄ sòon̄ duulnyā kòkò b̄oti n̄ ì ibaam̄onee, kun̄ puee uninjā gbantī ní u fikitì bitaṅkpiibī kansikin̄ ki dākā-ti kudaan̄ṅū páaā yii ùn̄ ní u lēē.”

–Atuun 17.31

Mìn̄ puee ti-Dindaan̄ nyí u nín̄ d̄i pū ki nyāntí bin̄ yú n̄ ì u deedeē diniminaamandī poonee, ní ki nyí u nín̄ dàá yóon̄ binikpitib̄ laakin̄ kí dāá dāal̄ bi-tafaliṅ̄ ibosoon̄ dalee.

–Piyeer 2 2.9

Kun̄ puee an̄ sá yii ti-kòkò n̄ dāá kpāfì̄ Kriisitoō nimiin̄ ní ú sòon̄ ti-b̄oti ti nín̄ kāl̄ duulnyā poon̄ ki dū̄ ti-yuntiṅ̄ū ki ṅá diṅyee, an̄ yaā sá ikpitaaaa, an̄ yaā tí sá tiṅanaaan̄, ní ú pà bāà̄ ṅmā u nín̄ máan̄ tipaal̄ tiṅyee.

–Koranti 2 5.10

Kun̄ di dākà̄ yii ā néeñ-ū tiṅmaneē di sá, daliṅkin̄ Yeesū dàá dāá sòon̄ binib̄ b̄otee, siī dāā cáá dimákal̄ u-nimiin̄ ní, kun̄ puee a-bimbim̄ min̄ ā bí duulnyā neē neē n̄ ì u-yam̄ náań.

–Jaan 1 4.17

An̄ péē̄ sá yii bāà̄ ṅmā n̄ kpú̄ dibā jā ní, ní ṅkúm̄ booneē Unimb̄otī n̄ sòon̄ bāà̄ ṅmā b̄oti.

–Eebru 9.27

24 YEESU KRIISITOO ÑANTI

Ama Adam yìntitam nín cáañ-ti tìnyee kaa pēē nì tin Unimbɔti pūn-ti faalaayee. Tìnyman, binib kupaau kp̄u unibaanti Adam yìntitam pu, ama Unimbɔti nín ñáañ binib tìnyan puee, ní u dū diyimɔl bulfi ki pú binib kupaau unibaanti Yeesu Kriisitoo pu.

—Room 5.15

Mimmee, an kaa nyēēn unil nín là pueeyaaa kaa nyēēn u-póòntam pu, Unimbɔti di sūn unil saai kí fīi udaan.

—Room 9.16

...“Unimbɔti kaa gètìn bilambidambi, ama ní ki ñáañ tìnyan ki tì bin sìn-tìn bi-ba taapuee.”

—Piyeer 1 5.5

Kun puee ni nyí ti-Dindaan Yeesu Kriisitoo yimɔl din u pú-tee. Ún un sá ugaajee gíin u-ba usoodaan, timbi n̄ kpántí bigaajab ún soodaŋku pu.

—Koranti 2 8.9

Nì mpɔŋkpaan ní Yeesu kpambaliŋ nìn sòon ki lèekí ti-Dindaan Yeesu fìkititam seerau, ní Unimbɔti biindi nìn bí bi-pu tikpil.

—Atuun 4.33

Ama Unimbɔti kaa dū nyunti ŋun binib kaa nìn nyí tibeɛ ki dūu ŋá tibɔti. Mìn puee ní kɔŋkɔnnee u bīi tükù ajan kɔkɔ nib yii bi-kɔkɔ máaŋ kí fá bi-kpitii.

–Atuun 17.30

Aayee, baa sá, ama, ni mun yaa kaa kpánti ni-ba, ni dàá kpú kii bí mun nín nìn kpî puee ní!

–Luuki 13.3

“Kpántímaan ni-bimbim kun puee Unimbɔti beel sùti ki pìlín-ni.”

–Maatiu 3.2

Ní Piyeer kíi-bi yii: “Fámaan ni-kpitii, bí fàl báà ŋma Unimbɔti nyim Yeesu Kriisitoo yindi pu, ní ní nín ká ni-kpitii pōtam, kí wàati ní Unimbɔti n nín pō-ni u-Fām.” Mìn puee, fámaan ni-kpitii kí gítímaan Unimbɔti cee kí wàati ní ú kpiti ni-kpitii kɔkɔ.

–Atuun 2.38; 3.19

Kun puee kunimbaau kun Unimbɔti kōntí binibee cāabìn dibakpantil ní, ní unil n ká difiil, ní kunimbaauee kaa ti páb-u. Ama kunimbaau kun kaa nyánni Unimbɔti ceeyee cāabìn ŋkúm ní.

–Kɔranti 2 7.10

Di sá yii ni yaa cáá tin ni-jutiibi
yintiñ-nee ki pūñ-bee, ni-Baa un bí yilpuee
dàá dū tin ni mun yintiñ-uee kí pō-ni.

–Maatiu 6.14

Yeesu nín ká binib gbanti fōō ki kílí yii u
ṅūñ kí cáañ ubunlee, ní u tükū ufaliṅfaanee
yii: “M-biki, m dū a-kpitii ki pú-si.”

–Maarki 2.5

Úñ [Yeesu] pu ní ni Kpántí deededambi
Unimbōti nimiin....ní ti-naanjab
Nimbōtiu fikitì-u ki kāañ u-ṅaṅgiil pú, ú
nín sá Ubōti nì Ufiil ki tīi Israyeel yab n̄
ṅmā kí fá bi-kpitii, Unimbōti n̄ dūú pō-bi.

–Atuun 13.38; 5.30, 31

Á pīlfì, m yú kipunyokō pu ki ṅāañ
gaafalaa; un yaa gbīl m-nyokō pu ní ki
piitì-mee, m dàá kó udaan cee ní man nì u
n̄ kpāfì kí jī.

–Dileedakal 3.20

An máañ yii ní sòòn u-pu atimbun kōkō
nib cee, kí kílín Jeerusaleem, yii binib n̄
dāañ kí kpántí bi-bimbim kí ká bi-kpitii
pōtam.

–Luuki 24.47

...“Man mun kaa làá ṅá-si tiba. Á nín cá
kí taa ti ṅá ikpiti.”

–Jaan 8.11

NYĀNTÍ A-BA DUULNYA 27 TUUNNIN

Unimbɔti ŋanti tin cáán binib kɔkɔ difiilee nyán mpaampiin pu. U-ŋantee di dàkà-ti tí fá ti-bimbikpitim nì duulnya doo nimitaataam, ŋyunti ŋun poon ti bí nee, tí ŋmā kí nīn ŋúb ti-ba, kí nīn bí deedee ki nóó Unimbɔti mmɔntiimin.

—Tiiti 2.11, 12

Dūmaan ni-landɔkɔi kí dūú tō yilpu wanti pu, kí taa dūú tō taapu yati pu.

—Kooloosi 3.2

Ní taa nīn néeń duulnya nì tin u cááyee. Sii un di yaa néeń duulnyee, aa ŋūn kí nīn néeń Unimbɔti. Kun puee tin kɔkɔ bí duulnyan, ki sá a-bimbikpitim nīn là miŋyee, nì nnimitaataam, nì á nīn néeń timɔn ki dàkà tigaajatee, tìn kɔkɔee kaa nyēń ti-Baa Unimbɔti cee, an nyēń duulnyan ní.

—Jaan 1 2.15, 16

Nimbi bin fá Unimbɔti kii kinimpulaakpaai nīn féen u-cal puee, naa nyí yii un néeń duulnyee sá Unimbɔti pulincɔnti níiin? Sii un píi duulnya kubɔɔtiiuee kpánti Unimbɔti pulincɔnti dee.

—Jaaki 4.4

28 BÍ FÀTÌÌ MÀÀL UNIL MPƆN

Mìn puee, ni yaa nyí yii u sá deedeedaanee, béemaan yii un sá kamaa yaa nóó deedeeyee, Unimbɔti di fātìì màl̄ udaan mpɔm. Ti nyí yii un sá kamaa Unimbɔti fātìì màl̄ mpɔmee kaa ñáañ ikpiti, kun puee Unimbɔti Jipɔɔn mótí u-pu, Sitaan kaa ñū̀n kí ñá-u tiba.

–Jaan 1 2.29; 5.18

...Unimbɔti fùl̄-ni ki lēē ni-kpitii, ki gāntì-ni ki yóon̄ ní nin sá u-yab. Ti-Dindaan Yeesu Kriisitoo nì Unimbɔti Fām puee ni kpántì deedeedambi.

–Kɔranti 1 6.11

Ní Yeesu kíí-u yii: “Ibaamɔn ní m tükù-si, Unimbɔti yaa kaa fātìì màl̄ unil mpɔm, u kpá kí ká Unimbɔti beel.”

–Jaan 3.3

Un nì Kriisitoo ñá ubaantee kpántì unipɔɔn dee, tin sá tikpikilee jíti, tipɔn di kínn̄ ki bí.

–Kɔranti 2 5.17

Di sá yii Unimbɔti un tìì dimañfal, ki bí jaanjaanee di tii-ni dimañfapɔndi. Dimañfal gbantee kaa nyánní ubaati un kúùyee cee, ama di nyánní Ubaati un kaa kúùyee cee ní.

–Piyeer 1 1.23

TI NYÁN IKPITI POON, 29 TI NÌ KRIISITOO FĪKITÌ

Doooyee ni nín nèn yìntì ki ḡáán ikpiti inyee puee, ni nèn kpî Unimbɔti nimiin. Ti nì Kriisitoo nín ḡá ubaantee pu ní Unimbɔti fikitì ti nì u, ki yāntì ti nì u kāl yilpu.

–Efeesi 2.1 nì 6

Ún Kriisitoo di fōō ti-kpitii ki ḡá u-ba pu ní ki fōō ti-kpitii tafadaaldi ndɔpuntikaa pu, an nín dàá ḡá pu tí nyā ikpiti poon kí nín kíñ ki bí deedee maḡfal poonee. Bi nín ḡbáñ-u u-wunti léetì puee di cāantì ni-weeni.

–Piyeer 1 2.24

Di sá yii Yeesu Kriisitoo yab dū bi-bimbikpitim nì tin mi néeñ ki lèe ki kpáá ndɔpuntikaa pu. Unimbɔti Fām nín tīi-ti dimaḡfalee, tí yāntì u-Fāmee n kpòotì ti-bimbim mun. –Gaalaati 5.24, 25

Aayee, kpataaa! Timbi bin kpî ikpiti jandi puee, mana ní ti gítì ḡñ nì kí nín bí ki ḡáán ikpiti? Mìn mbaantiim, ni nì Yeesu Kriisitoo nín ḡá ubaanti puee, ni mun n nín nyí yii ni kpî ikpiti jandi pu, ki kíñ ki bí ki tīi Unimbɔti.

–Room 6.2 nì 11

30 DIMANƆFAL DIN KAA CÁÁ DIKUNTILEE

“Kii Mooisi nín nèn lúntì kukoonaju ndo pu kupɔɔun binib kpèé ki pɔ́okée, mìn mbaantiim ní bi dàá dāá dū man Kinibiki kí lúntí yilpu, an nín dàá ɲá pu un sá kamaa yaa láā fōō-mi ki kííyee ú dāá ká mmanƆfakɔn ɲun kaa cáá dikuntilee.”

–Jaan 3.14, 15

DimanƆfal gbanti di sá bí bée sii un baba sá Unimbɔtibaamɔnee, kí bée Yeesu Kriisitoo un a túnnée mun. –Jaan 17.3

Un yaa fōō u-Jipɔɔn gbanti ki kííyee kántí mmanƆfakɔn ɲun kaa cáá dikuntilee. Un yî kaa fōō-u ki kííyee kaa kántí dimanƆfal gbanti. Unimbɔti ɲuul dàá nín péē dàñ udaan pu ní. –Jaan 3.36

... Tin tin Unimbɔti pūn faalaayee di sá á ɲá ubaanti nì ti-Dindaan Yeesu Kriisitoo kí ká dimanƆfal din kaa cáá dikuntilee.

–Room 6.23

“Ibaamɔn, ibaamɔn ní m tükù-ni, un yaa pílfi m-bɔti ki fōō un túnní-mee ki kííyee kántí dimanƆfal din kaa cáá dikuntilee, udaan kaa dāa gítì bí ibɔsoon ni, u nyán ɲkúmin ki póotì dimanƆfalin.” –Jaan 5.24

NÍN CÁÁ DIMÁKAL YII 31
A KÁ DIFIIL

**Ní Unimbɔti Fām mi-ba tükù ti-pɔbiling
poon yii ti sá Unimbɔti biyaamu.**

–Room 8.16

**Unimbɔti nín li puee sèé yii, u tii-ti
dimaɗfal din kaa cáá dikuntilee. Dimaɗfal
gbanti bí u-Jipɔɔn cee ní. Un yaa fōō
u-Jipɔɔnee cáá dimaɗfal, un yaa kaa fōō
u-Jipɔɔnee kaa cáá dimaɗfal. Nimbi bin
fōō Unimbɔti Jipɔɔn ki kíiyee m ɲmāñ-ni
tin bí nee ní béé yii ni cáá dimaɗfal din
kaa cáá dikuntilee.**

–Jaan 1 5.11-13

**“Un yaa cáá man marab ki ɲúb-bee,
udaanee di néeñ-mi. Mìn ní m-baa dàá nín
néeñ un néeñ-mee, man mun n nín néeñ-u,
ní kí nyántí m-ba kí dākà udaan.”**

–Jaan 14.21

**Kun dākà yii ni lafun sá u-biyaamuee di
sá Unimbɔti túnní u-Jipɔɔn Fām ti-pɔbilingin,
mìn di yì-tì ti yî-u yii: “Ti-Baa.”**

–Gaalaaati 4.6

**Kun di yì-tì ti béè yii ti bí Unimbɔtin, ú
mun bí ti-nee, di sá u-Fām min u tii-tee
pu.**

–Jaan 1 4.13

**Ti yaa kpáafí Unimbɔti marabee, niinee
ní ti béetí yii ti nyí-u.**

–Jaan 1 2.3

32 KRIISITOO YAA BÍ A-PŌBILINEE DI CĀABÌN DIPŌŌPINDI

Kəŋkəŋnee, m dōon a-cee, m nín dáá bí duulnyan ki sòon tin nee, an sá kí ŋmā kí yànti bí ká dipŌŌpindi, man pŌŌpimmontiil.
—Jaan 17.13

...M dàá dāá fàtīi gítī ká-ni ní ni pŌbiling n̄ piil. Báa ubo kaa dāa ŋūn kí lēe ni-pŌŌpindi gbanti.
—Jaan 16.22

Di sá yii Unimbōti beel kaa sá tijikaal n̄ tinyōkaal bōti, an sá deedee n̄ nsəŋfi n̄ dipŌŌpindi din u-Fām t̄iyee ní.
—Room 14.17

M nín bí nee, kaa ti sá man di bí, Kriisitoo di bí m-ni. M nín bí dimaŋfalinee, Unimbōti JipŌon ní m fōō ki kíi, ún di néeŋ-mi ki dū u-ba ki t̄i man pu.
—Gaalaati 2.20

“M sòon n̄ ni tin bí nee an nín dàá ŋá pu m-pŌŌpindi n̄ nin bí ni-ni, ní ni-pŌbiling n̄ m̄t̄ií gítī piilee.
—Jaan 15.11

Yeesu Kriisitoo gbantee naa ká-u n̄ ni-nimiling ama ni néeŋ-u. Ni fōō-u ki kíi kaa wāl-u, ki fàal n̄ dipŌŌpingkpaandi din baa ŋūn kí māafèe.
—Piyeer 1 1.8

AN PÁB YII TÍ NĪN TÓ 33

TI-DINDAAN NĪN SÒŌN TIŪYEE

Naa nyí yii a yaa s̄intiṅ a-ba taapu ki t̄i unil ki t̄un u-tundee, a kpánti uyumbu ní ki t̄i udaan un a s̄intiṅ a-ba ki t̄iyeeee? A ṅun kí s̄intiṅ a-ba kí t̄i ikpiti in dàá cáá-si ṅkúminee, ki tí ṅun kí s̄intiṅ a-ba kí n̄in tó Unimb̄oti kí kpánti deedeedaan.

-Room 6.16

Ní kí k̄aañ nimbi bin j̄in falaayee n̄i timbi ns̄onfin ṅyunti ṅun ti-Dindaan Yeesu yaa láa nyánni yilpu n̄i u-t̄uuni ip̄ondambee. U dàá d̄aañ n̄i ṅṅmi kí dáal bin kaa nyí Unimb̄oti, kaa f̄oō ti-Dindaan Yeesu b̄om̄ontiitee tafaliṅ. Bi-tafadaaldi di d̄aa sá bí n̄aañ-bi kí n̄in cá jaanjaan bí taa n̄in dàbiṅ ti-Dindaan n̄i u-nyooti n̄i u-p̄onṅu.

-Teesaalooniiki 2 1.7-9

Kaa sá bin p̄ilfi marabee di sá deedeedambi Unimb̄oti nimiin, an sá bin bin ṅaañ marabee n̄in l̄i puee, b̄in ní bi d̄aa ȳi deedeedambi.

-Room 2.13

Bin f̄inti bi-b̄okutiṅ ṅaa cáá tij̄ok̄ondi, ki máaṅ kí ṅmó dimaṅfal subil, ki dàá di mpunȳomu kí kó kit̄iṅinee bí m̄m̄on ni.

-Dileedakal 22.14

34 AN PÁB Á SÒÒN KUNIPAAUN YII YEESU SÁ A-FIILIU

Ní báà ŋma kəkə́ ǹ l̀ ǹ u-nyəkən yii Yeesu Kriisitoo di sá ti-Dindaan, ní ti-baa Unimbəti ǹ ká tinyool. —Fiiliipi 2.11

Un kamaa yaa li binib nimiin yii u sá man yəuee, man mun dāa li m-Baa un bí yilpuee nimiin yii u sá m-yəu ní. Ama un di yaa nēe binib nimiin yii waa nyí-mee, man mun dàá nēe m-Baa un bí yilpuee nimiin yii maa nyí-u. —Maatiu 10.32, 33

Sii un di yaa li ǹ ibaamən yii Yeesu sá Unimbəti Jipənee, Unimbəti bí a-ni ní si mun bí Unimbətin. —Jaan 1 4.15

A yaa li binib cee yii Yeesu sá a-Dindaan ki yaa fōō ki ḱí a-pəbilin yii Unimbəti fikitì-u ditəŋkpiilinee, a dàá ká difiil. Di sá yii un kamaa yaa fōō Yeesu ki ḱí u-pəbil poonee, kpántí deedeedaan u-nimiin, ní un yaa li u-nyəkən yii u fōō-u ki ḱíyee, udaan kántí difiil. —Room 10.9, 10

Un di yaa kaa là Unimbəti Jipəən Yeesuee, kaa fōō u-Baa mun dee, ama un di yaa li binib nimiin yii Yeesu sá Ubaati Jipənee fōō Ubaati u-ba mun dee. —Jaan 1 2.23

TI-NANNANLIU UKPAAN 35 DI SÁ SITAAN

Ní kítí ni-ba kí nín nyìn ni-ba, kun puee ni-nannanliu Sitaan bí ki yììn kii gbikinti nimiliṅ nín màn pu u nyàab̄ kun, u yaa péē kée ú cúú kí ḡmóee ní....Ní ḡúb ni-ba ni-fookiiu poon, kí yíí Sitaan....

—Piyeer 1 5.8, 9

Boonee ní Unimbōti Fām cáá Yeesu kí cūnnì kupɔɔun Sitaan á cōṅkì-u. Niinee Yeesu bí-u yii: “Sitaan, sùtí niin kí wàati-mi! Kun puee an ḡmāñ Unimbōti takaldau poon yii: ‘Ti-Dindaan a-Nimbōtiu baba ní an sá á jāam̄, kí nín bí ùn baba tundin.’” Ní Sitaan cāntì-u ní Unimbōti tūuni dómín u-cee ki tīi-u tijin.

—Maatiu 4.1 nì 10, 11

Tibɔjoolkaal tin m dàá dūú kàañ-nee sèè: ní fōōmaan ti-Dindaan pɔṅkpaanṅu kí pōkì. Ní dū tijanjawan tin kɔkɔ Unimbōti tìyee kí pèēñ kí ḡmā kí sīl deedee ḡyunti ḡun Sitaan yaa yíkìñ ni-pu nì u-kiiltamee.

—Efeesi 6.10, 11

...U [Sitaan] péē sá unikpɔl doooo ḡkilkaamin ní. Waa sí ibaam̄n ni kun puee waa cáá ibaam̄n u-ni. ...U sá unyim̄ndaan, ùn di sá inyim̄n na nì i-baa.

—Jaan 8.44

Mbiyaamu gbantee nín sá binib tiwun nì fatiku puee ní Yeesu gíiñ u-ba tiwun nì fatiku kii bíñ nín bí puee. U ḡá mín kí ḡmā kí kpú, u-kúmee n̄ nàaṅ Sitaan un ḡúb ḡkúm pḡḡuee. —Eebru 2.14

Ama un yaa ḡaañ ikpítee sá Sitaan yḡu, kun puee Sitaan péē sá ikpítidaan ní, doooo ḡkilkaamin. An pu ní Unimbḡti Jipḡḡn dḡmíñ ki kpìtì Sitaan tuḡḡi. —Jaan 1 3.8

Dineendi din Kriisítoó cáá ti-puee, tiba ḡñ n̄ kí yàkati ti-kansikinaaan? Falaa di ḡñ n̄ kí yàkati-taaa, diniminaamandaaa, disaandaaa, ḡkùmaaan, disoolaaa, mbusaaa, ḡkúm? Tíñ kḡkḡ poonee, un n̄eē-tee tútuñ-ti ti jáà ki jìñ ki kúntí tikḡkḡ. —Room 8.35 nì 37

Mín puee, s̄ntímaan ni-ba taapu kí t̄i Unimbḡti, kí já n̄ Sitaan, see ú s̄n̄ kí wàati-ni. Sútímaan kí p̄l̄ Unimbḡti, ní ú mun n̄ s̄t̄iñ kí p̄l̄-ni.... —Jaaki 4.7, 8

ḡyunti nee ní Unimbḡti dàá s̄oñ duulnya bḡti, ní kí já duulnya bḡtiu Sitaan. —Jaan 12.31

DINEENDI DISÁ UN NÓÓ 37

YEESUEE BIMBIM

Báà m yaa sòòn isooncaan, binib ní itūun sooni, ní kaa cáá dineendee, tin m sòònee sá fam ní kii dawula àá diwan̄kilindi nín sūn pu fam an kaa cáá taapuee ní.

—Koranti 1 13.1

Ama, dibil din Unimboti Fām yànti unil n̄ lòònee di sá dineendi, dipɔɔpindi, ŋgbansɔŋfi, kimotii, á n̄n sūn binib saai, kí n̄n ŋáań tiŋan, kí n̄n bí deedee, kí n̄n mō, kí ŋúb a-ba....

—Gaalati 5.22, 23

“Ni yaa néeń-mee, n̄n ŋúbmaan m-marab.”

—Jaan 14.15

Ubo yaa bí yii: u néeń Unimboti, ní ki yaa ná u-nabikee, udaan sá unyimɔndaan. A yaa kaa néeń a-nabiki kin a wālee, a dàá ŋá mana ní kí n̄n néeń Unimboti un saa wālee?

—Jaan 1 4.20

“Ni yaa néeń tɔbee, niin di dàá dàkà báa ŋma yii ni lafun sá m-boonnooliibi.”

—Jaan 13.35

Ti nyí yii ti nyán ŋkúmin ki pótì diman̄falin kun puee ti néeń ti-nabiyaamu; un yaa kaa néeń u-nabikee dáá gbínti bí ŋkúmin.

—Jaan 1 3.14

38 YEESU KRIISITOO FIKITITAM

Yeesu nín fikitì kinyoŋ wimpeepeekaŋuee, Maarii Magdala yɔu un ní u nìn jìñ arasiniibi bilulee ní u yaāntì u péé ki ká-u. -Maarki 16.9

Timbi kántì tin kɔkɔ u ŋáań Juuda yab tiŋkin ki kpáań Jeerusaleemee mun. Ún ní bi kpáá ndɔ pu, ki kũũ-u. Ama Unimbɔti fikitì-u winta dal, ki yāntì bi ká-u. An kaa sá samaa kɔkɔ di ká-u, asee Unimbɔti nín nìn péē lēē timbi bin bin n ká-uee. Di sá u nín nìn fikitì ditaŋkpiilinee, boonee, ti nì u di jín ki nyuñ. -Atuun 10.39-41

Iwiin inii boonee, Yeesu boonnooliibi fātì kpáfì dibɔɔbaantiilee ni, Toomasi mun nìn bí yaadal. Bi dū mpunyɔmu ki piin ki kpāl, ama ní Yeesu cílín bi-kansikin, ní ki bí-bi yii: “Ni-pɔbiliŋ n nìn sò m!” Ní u bí Toomasi yii: “Dāá kpèè m-ŋalii, kí cáań a-ŋambiki kí máań! Cáań a-ŋal kí máań m-takakal, kí fōō kí kíí, kí taa nín gítì kpākantí!” Niinee ní Toomasi n bí-u yii: “M-Dindaan, m-Nimbɔtiu!” -Jaan 20.26-28

TI CÁÁ DIMÁKAKPAANDI YII 39 TI LÀÁ DĀÁ FÌKITÌ DITAŃKPIILIN

“Án taa bàkatì-ni, kun puee nyunti ɲubo dòn ɲun ni bin kòkò dō akaakul poonee dàá dāá gbìl u-noon pu kí nyānnée, bin yaa ɲá tiɲanee n̄ fikitì kí ká dimaɲfal, ní bin yaa ɲá ikpatee n̄ fikitì kí kó ibosoon ni.”

–Jaan 5.28, 29

Naa nyí yii, timbi bin kòkò bi fùl Unimbòti nyim ti ɲá ubaanti n̄ Yeesu Kriisitooyee, ti kpáfì ki kp̄u u-kúm min u kp̄uyee níin? Kii bi n̄n fùl-ti Unimbòti nyim puee, bi síb-ti tí n̄n bí ɲkúmin n̄ Yeesu dee, ní kii ti-Baa Unimbòti n̄n dū u-pəŋkpaanɲu ki fikitì Yeesu Kriisitoo ditaŋkpiilin ki fātii giìnní-u dimaɲfalin puee, mimmee, ti n̄ u kòkò di kìn ki bí dimaɲfapəndin.

–Room 6.3, 4

Kriisitoo yaa bí a-ni, n̄ min kòkò ikpiti puee a-wunti dàá kpúee, Unimbòti Fām dàá tii-si mmaɲfafòkɔn kun puee a bí deedee. Unimbòti un fikitì Yeesu Kriisitoo ditaŋkpiilinee Fām yaa kóò a-nee, Unimbòti gbanti un fikitì Kriisitoo ditaŋkpiilinee dàá dāá yànti u-Fām min kóò a-nee n̄ tii a-wunti tin kúyee dimaɲfal.

–Room 8.10, 11

40 TÍ NĪN BÍ CIRCIR UNIMBŌTI NIMIIN

...Kun puee u gíìnní u-landokɔŋu u-niboolii pu ki fīi-bi ki líi. U dàá nyāntí-ti ti-nannanliibi ŋaan, tí ŋmā kí nóó-u kí taa fàŋkì, kí nīn bí circir nì deedee u-nimiin ali ti-kúm dal.

—Luuki 1.68 nì 74, 75

Nnabiyaamu, an nín sá yii timbi ní Unimbōti pōon apoon gbantee, tí fámaan atunkpiti ŋin kəkə bíil tiwun nì kinanee, kí fàŋkì Unimbōti kí nyāntí ti-pòbiliŋ poon tikpiil kəkə kí nīn bí circir. —Koranti 2 7.1

Unimbōti nín là kunyee di sá ní nīn bí circir kí nīn ŋúb ni-ba kí taa ŋá tilaakpaal. Ni-kansikin báà ŋma nimpucaatam nín sá circir ki cáá tinyool. Kun puee Unimbōti kaa yíiŋ-ti tí dāá nīn bí tijəkɔndi poon, ama u yíiŋ-ti tí dāá nīn sá circirdambi ní.

—Teesaalooniiki 1 4.3, 4 ní 7

“Ní nīn bí circir ni-bimbim kəkə poon kii Unimbōti un yíiŋ-nee nín bí circir puee. Ali kii Unimbōti nín lí u-takaldau poon puee yii: “Níŋ bímaan circir kun puee man bí circir ní.”

—Piyeer 1 1.15, 16

TÍ NĪN BÍ CIRCIR UNIMBŌTI 41 NIMIIN

Di sá yii, kí wàati Unimbŏti n̄ náan̄ duulnyee, u péē lútì-ti ki yóon̄ tí n̄in sá u-yab, ti n̄i Kriisitoo n̄ ḡá ubaanti, tí n̄in bí circir, ú taa ká ti-pu ikpiti iba. Ní n̄in nóómaan mbimbip̄om̄ min Unimbŏti náan̄ ki nántīn̄ u-yam̄ min sá deedee n̄i circir ki nyánní ibaam̄on̄ nee.

–Efeesi 1.4; 4.24

Ti yaa biitì ti-kpitii pu, Unimbŏti sá deedeedaan ki cáá ibaam̄on̄ ki dàá dū ti-kpitii kí p̄ō-ti, kí fíntí tin k̄ok̄woooo bí ti-p̄obilijin̄ kaa ḡāñee, tí n̄in bí circir.

–Jaan 1 1.9

Kii tiwan k̄ok̄o n̄in dàá dāá kúntí miñyee puee, ni máan̄ kí béé ni n̄in dàá b̄ontí ni-ba pu kí n̄in cáá mbimbim̄ontim̄ kí m̄otí n̄in tó Unimbŏti mm̄ontimee.

–Piyeer 2 3.11

Ní p̄óon̄ ni-ba ḡgbans̄ḡfī n̄ n̄in bí ni n̄i báà ḡma kansikin, kí n̄in bímaan̄ circir. Kun puee un yaa kaa bí circiree kpá kí ká ti-Dindaan.

–Eebru 12.14

42 BINIB BIN GBÍ UNIMBŌTI CIRCIR FĀMEE

“Too, nimbi bin sá binikpitibee yaa nyí ki tìi ni-biyaamu tiwammontiil, kin ataa aṅa pu ní Ubaati un bí yilpuee kaa nín tìi Circir Fām bin kəkə yaa mēé-u Iḡfām gbantee?”

—Luuki 11.13

Bi mēē ki dóyee, dibɔbilin niinee kitiṅ cīṅkì, ní Unimbŏti Fām gbí bi-kəkə mmɔntiim, ní bi kíí ki bíi sòòn Unimbŏti bŏti, kaa fāṅkí.

—Atuun 4.31

Ama nimbee, nimbi kaa nóó ni-bimbikpitim nín là puee, min min Unimbŏti Fām lèe, mín ní ni nóó, kun puee u-Fām kóò ni-ni. Un yaa kaa cáá Kriisitoo Fāmee, kaa sá u-yɔu.

—Room 8.9

Ama Unimbŏti Fām dàá kpákatiín ni-pu kí tīi-ni mpɔn ṅubɔ, mín boonee, ni dàá lēē m-pu seera....

—Atuun 1.8

Ama bin nìn fōō Yeesu ki kíí Antiyosi tiṅkinee nìn gbí dipɔpiṅkpaandi nì Circir Fām.

—Atuun 13.52

Ní taa nín nyù idafi ki gbéè, kun puee an di bííl unil, ama ní nìn gbéèmaan Unimbŏti Fām.

—Efeesi 5.18

DIPOOMMONTIIL DIN BÍ KI 43
TĪI KRIISITOO YABEE

Ní Yeesu fātii kíi-u yii: “A bí yii m yaa nū̀naa! An kɔ̀ pòfì ki tii un un fṑo ki kíiyee.”
–Maarki 9.23

Nnabiyaamu, án taa n̄á-ni maamaaci icɔ̀ŋkikpaan in poon ni bí nee kii an sá-ni tibɔ̀cane. An yaa sá yii ní jī falaa un Kriisitoo jínee ní n̄n fàalmaan, an n̄n dàá n̄á pu daliŋkin u dàá dàkà u-nyootee, yaadalee ní ni dāa kántí dipɔ̀ɔpiŋkpaandi.
–Piyeer 1 4.12, 13

“Ú̀n di dàá dāá pítí bi-nyinnyim kɔ̀kɔ̀, n̄kúm dāa gítí kpá, diniminaamandi n̄i ibiil n̄i iyaliŋki dāa gítí kpá, kun puee duulnyakpiki kpáan t̄n kɔ̀kɔ̀ ki jíti.”
–Dileedakal 21.4

Péé kí nyáabmaan Unimbɔ̀ti beel n̄i deedee un u bàlf̄i-ni yii ní n̄n bée, ní Unimbɔ̀ti n̄ dū tin kínee kí kūt̄i-ni. –Maatiu 6.33

“...Ní n̄n nyí yii m bí ni-cee baabadal ali duulnya kúntitam.” –Maatiu 28.20

44 DIPOONDI DIN DŌ KI CÍ BIN KÓ ICŌŊKINEE

U nín jín falaa icŏŋki poon ki kée di yì-tì ní u ŋūn ki jòon bin bí icŏŋkinee.

—Eebru 2.18

An kaa làá yúntí, Unimbŏti un tìi nsŏŋfee dàá yànti ní tǎā kí mǎtí Sitaan....

—Room 16.20

Icŏŋki in bàn ni-puee péē ŋmànti unil pŏŋŋu nyŏkŏm ní, kun puee Unimbŏti yaa pŏon puee see ú ŋá mín, waa kíikí tin lákatiñ ni-pŏŋŋu puee n bàn-ni, di sá ŋyunti ŋun ní icŏŋki yaa bǎañ-nee, u dàá tīi-ni mpon ní ŋmā kí ŋmèè, ní kí dàkà-ni nsan ní dī kí nyā.

—Kŏranti 1 10.13

Ní ti nyí yii tin kŏkŏ péē bàn bin néeñ Unimbŏtee, Unimbŏti cáā kpántí tiŋan ní ki tīi-bi. Bín ní u bónti ki lēē ki síin yii bí nīn sá u-yab.

—Room 8.28

Kun puee timbi saraañakpiliuee sá un nyí ti-wŏfii ki sūn ti-saayee; di sá u gíin u-ba kii timbee ní, nniyaamin, ní ki bée iwŏsŏfi, ní Sitaan cŏŋkì-u ama waa líti ikpitiñ.

—Eebru 4.15

DIPOONDI DIN DŌ KI CÍ 45
BIN JÁN KI JÍNEE

“Un yaa jáń ki jínee ní m dàá tīi tiwammontiil gbanti ní ki dāa sá u-Nimbōtiu, ní ún dāa sá man biki.” –Dileedakal 21.7

Mín ní un yaa jáń ki jínee dāa pèentí abokutipiin kánkan, maa làá dàá gítí kpiti udaan yindi dimanjfal takaldau poon, ama m dàá dāá lì m-Baa nì u-tūuni kōkō nimiin yii man di yì-u. –Dileedakal 3.5

Un yaa jáń ki jínee, m dàá yànti ú dāāń kí kāl kí kól-mi m-beelin, kii ma mun nín jáń ki jín pu ki dómiń ki kāl m-Baa beelin ki kól-u puee. –Dileedakal 3.21

“Un yaa cáá ditafalee n pīlfì Unimbōti Fām nín bīi sòon nì Kriisitoo nikitij puee. “Un yaa jáń ki jínee, m dàá tīi-u dimanjfal subu bun yú Unimbōti kpaabunee bil ú ŋmó.” –Dileedakal 2.7

Un di yaa jáń ki jín ki gbínti ki nìkì ki ŋáāń min fáatì-mee ki tin kátì-kuee, m dàá yànti ú jì dibeel atimbun pu. –Dileedakal 2.26

46 UNIMBŌTI SÒŌÑ NÌ-TI YII UNINJA NÌ UNIMPU NÍ TAA YÀKATÌ

Nimbi binimpoobidambi ní m tìì mara nee, (ti-Dindaan di yóòn mara gbanti, kaa sá man) yii: Unimpu n taa yìkì u-cal cee. U yaa tí cāntì u-calaaa, ú nīn kā mīn kí taa mōn ubo, àá u nì u-cal n ñāṅkì bi-kansikin ú fātii gítin-u. Mīn mbaantiim, uninja mun n taa jà u-nimpuu. Unimpu un mōnee máaṅ kí nīn péē náká u-cal ní bí nīn bí iyunti kōkō. Ama u-cal yaa kpīyee, u tó u-ba kí mōn un u yaa lèe. Ama un fōō Yeesu ki kíyee ní an sá ú fātii mōn.

—Koranti 1 7.10, 11 nì 39

“Un kamaa yaa jīn u-nimpuu ní ki fātii cáá upōnee, udaan ṅá tilaakpaal Unimbōti nimiin, ní un cáá unimpu un u-cal jīnee mun ṅá tilaakpaal Unimbōti nimiin.”

—Luuki 16.18

“Ama man tükù-ni yii: Sii un kamaa nimpuu yaa kaa nyán a-boon ní a yaa jīn-uee, a dū-u ki síin tilaakpaal saṅṅu pu dee. Ní un mun yaa cáá unimpu un bi jīnee mun ṅá tilaakpaal.”

—Maatiu 5.32

YEESU KRIISITOO NÍN DÀÁ 47

FÀTÍÍ GÍTIÍN PUEE

“M yaa cū̀tì ki bóntì ipaan gbantee, ní m gítíń kí yòoń-ni, an nín dàá ńá pu laakin m dàá nín bée, ni mun ń nín bí m-cee niinee.”
–Jaan 14.3

Niinee ní man Kinibiki daan̄ku ń nyā kí páanní kutagboŋu pu, ní duulnya timbuliŋ kəkə ń dāa fōō itiminsi, ní kí ká man Kinibiki ń páanní yilpu atagban ni nì mpən nì tinyool.
–Maatiu 24.30

“Un kamaa yaa cáá icoo man nì m-boti pu waanee nib bin nyēē Unimboti boon ki ńáań ikpítee kansikínee, ńyunti ńun m yaa láā gítíń m-baa nyootin nì u-tūuníee man Kinibiki dàá dāá kón̄ udaan icoo.”
–Maarki 8.38

“Mín̄ mbaantiim, ni mun ń bóntí kí nín címaan, kun puee man Kinibiki dàá bàń ńyunti ńun naa bàà dākafēe ní.”
–Luuki 12.40

Man Kinibiki dàá dāań nì m-Baa Unimboti nyooti, ní m-tūuni dāa nóó-mi, ní m dāá pà báà ńma nì u-tundi nín sá puee.
–Maatiu 16.27

48 UNIMBŌTI TAKALDAU POON BŌTI

Kun puee tin kəkə Unimbŏti bŏnaatiliibi lēe, tiba nì tiba kaa nyánní bi-làtamin, ama an sá Unimbŏti Fām di kpŏotì-bi, ní bi fŏō Unimbŏti paanŋu ki sòoñ u-bŏti.

–Piyeer 2 1.21

Unimbŏti di yāntì bi ŋmāñ tibŏti gbanti kəkə ki sá bí dūú dàkà binib n̄ béé ibaamŏn, kí dàkà unil yìntitam, kí kpŏotì-u, kí dàkà unil n̄ béé deedee bimbim.

–Tiimootee 2 3.16

NĪN MÈÉ KÍ NĪN PŪN A-JUTIIBI NĪN YĪNTÌ-SI PUEE

“NĪn mèémaan yii: ‘Ti-Baa un bí yilpuee, yāntì bí béé yii a sá Unimbŏti circirdaan, kí yāntì a-beel n̄ dāañ, bí ŋá a nĪn là puee taapu doo kii bi nĪn ŋáañ yilpu puee, kí pŏ-ti dĪn jikaati. Kí dū ti-kpitii in ti yĪntièn-see kí pŏ-ti kii ti mun nĪn cáá bin yĪntièn-tee kpitii ki pŪn-bi puee. Kí taa pŏ mpaan Sitaan n̄ kiil-ti, ama á nyāntí-ti u-ŋaan. [Kun puee sii di yì dibeel nì mpon nì tinyool kí nĪn cá jaanjaan. Ameen’.]”

–Maatiu 6.9-13

UNIMBŌTI NÍN DÌ PU KÍ FĪ UNILEE

An páb ki tī-mi m ká ufiil.

Kun puee báà ŋma ŋá ikpiti ki dátìn
Unimbŏti nyooti. -Room 3.23

M-kpitii pu ní Kriisitoo kpî.

Di sá mín ní Kriisitoo u-ba mun kpî
binib kpitii pu. U kpî dibaba ja ní, binib
kpitii pu, ún un bí deedeeyee kpî bin kaa
bí deedeeyee pu. . . . -Piyeer 1 3.18

An páb ki tī-mi m fá m-kpitii.

Mín puee, fámaan ni-kpitii kí gítímaan
Unimbŏti cee kí wàatì ní ú kpìtì ni-kpitii
kòkò. -Atuun 3.19

See m fōō Kriisitoo ki kíí.

Ama bin kòkò fōō-u ki gbìl ki tīn-uee, u
yāntì bidambi kpántì Unimbŏti biyaamu.
-Jaan 1.12

M ŋūn kí nīn cáá dimákal yii m ká difiil.

Dimanfal gbanti bí u-Jipŏn cee ní. Un
yaa fōō u-Jipŏnee cáá dimanfal. . . .
-Jaan 1 5.12

“Ibaamŏn, ibaamŏn ní m tükù-ni, un yaa
pílfi m-bŏti ki fōō un túnní-mee ki kííyee
kāntí dimanfal din kaa cáá dikuntilee,
udaan kaa dāa gítì bí ibŏsoon ni, u nyán
ŋkúmin ki póotì dimanfalín.” -Jaan 5.24

Published in numerous languages by World Missionary Press as God supplies funds in answer to prayer. If you would like more copies for careful distribution, please write in English. Specify which language(s) you need and how many booklets.

**World Missionary Press, Inc.
P.O. Box 120
New Paris, IN 46553-0120 USA**

**Watsɔn Goodman dí ηmāñ
kitakaldabiki nee**

Ki sá faalaa ní, baa nyáfi-ki



Read booklets online or by App
www.wmp-readonline.org